

Putra Biru juara Kejohanan SUSTAF UPM

BINTULU: Pasukan Putra Biru menjuarai Kejohanan Sukan Staf UPM 2023 (SUSTAF) Peringkat Universiti Putra Malaysia Kampus Bintulu (UPMKB) yang berlangsung baru-baru ini.

Tempat kedua dan tempat ketiga pula masing-masing dimenangi Putra Kuning dan Putra Merah, manakala Putra Hijau berada di tempat keempat.

Menurut satu kenyataan daripada UPMKB, setiap pasukan atau rumah terdiri daripada kakitangan UPMKB yang dibahagikan dan digabungkan dari pelbagai jabatan, pusat dan bahagian bagi membentuk empat pasukan rumah sukan.

"Sebanyak 21 acara sukan telah dipertandingkan sepanjang kejohanan ini.

"Kejohanan SUSTAF UPMKB 2023 ini merupakan salah satu platform bagi memupuk semangat kesukanan dan merapatkan hubungan silaturahim sesama staf di samping menerapkan amalan gaya hidup sihat di Kampus Bintulu serta menjalinkan perpaduan sesama kaum.

"Diharap dengan adanya aktiviti seumpama ini akan dapat memberikan ruang untuk menjalankan aktiviti riadah dan menggalakkan aktiviti gaya hidup sihat dalam kalangan staf serta dapat memupuk semangat



JUARA... Pasukan Putra Biru berjaya merangkul gelaran juara dalam Kejohanan SUSTAF UPM 2023 Peringkat UPMKB di Bintulu.

kesukanan tinggi dan minda cergas," jelas kenyataan itu Majlis Penutupan SUSTAF

UPMKB 2023 itu dirasmikan oleh Pengarah Kampus, UPMKB, Profesor Dr. Shahrul Razid

Sarbini yang turut disaksikan oleh Ketua Pentadbiran UPMKB, Noor Hakim Ahmad.